

**UPERNAVIMMI NAJUKKAMI ATAATSIMIITITALIAP
ILEQQUUSUMIK ATAATSIMIINNERA
MARLUNNGORNEQ ULLOQ 14. JANUAR 2025 NAL. 9.00**

Peqataasut: Julie Karlsen, Siulittaasup tullia
Lars Petersen, ilaasortaq
Knud Kleemann, Kommunalbestyrelsimit toqqangaq

Peqataannngitsut: Naja Nuka Kaspersen, Siulittaasoq
Hartmann Heilmann, ilaasortaq

Pisortaq/imaqarniliortoq: Ane Marie Jørgensen, Borgerforvaltningsleder
Ataatsimiiffik: Ataatsimiittarfik

Immikkut peqataasut:

Nutserisut:

Ingerlannera: Ammasoq

NA	QULEQUTAQ	BILAG
	Ilisimatitsissutit	1
001	Najukkami Ataatsimiititaliami ukioq 2025-imi aningaasaliissutit	2-3-4
002	Kulturnat 18. Januar 2025	5
003	“Timersullammak”, “Neriunaatilik” “Peqatigiiffitsialak”	6

Aaliangiineq:

Akuerineqarput.

Iisimatitsissutit:

- Bilag 1 – Killiffik 2025
- INTRA-mut atuinissamut ilinniartitsinissaq Najukkami ataatsimiititaliami ilaasortat tamakkerlutik Upernavimmiilerpata uge 4-imi ingerlanneqassaaq, ilaasortanut aggersaasoqarumaarpoq.

Aaliangiineq:**Akuerineqarpoq.**

Sag nr.	Sammissaq	Bilag nr.	003
UPVNA 001	Najukkami Ataatsimiititaliami ukioq 2025-imi aningaasaliissutit	Journal nr.	01.03.49

Uteqqiineq:

Ukioq 2025-imut Najukkami Ataatsimiititaliami aningaasaliissutit katillugit kr. 588.000,00, Kommunalbestyrelse ukioq 2023-imi aaliangernikuusaa malillugu taakkunani pinaveersaartitsinermut 10 % illikartinneqassaaq kr. 58.800,00. Aningaasallu pinaveersaartitsinermut atungassat Peqqinneq Sunngiffimmit akisussaaffigineqarlutik aqunneqassaaq. Pinaveersaartitsinermut 10 % ukioq 2024-imut paatsoorneqarsimammatt, erserqqissaatigineqarmalli ukioq 2025-imi taamatut ingerlanneqassasoq. Ukiumi 2025-imi pinaveersaartitsinermut 10 % peerlugu, taamatullu tummeqqiornermut sanaartortumut isumaqatigiissut malillugu aningaasartuut peeraanni, Najukkami Ataatsimiititaliap aningaasat aqutassaasa sinnerissavai kr. 307.350,00.

Aningaasat Kulturikkut inunnillu paasititsiniaanermut tunngasut ukiut tamaasa pisartussatut akuerisat aningaasat agguataarnissaat innersuussutigineqarpoq.

Teknikkikkut aningaasaliissutit isumaqatigiissutinut pituttortut aningaasartuutaasussat akuerineqarnissaat innersuussutigineqarpoq.

Suliap saqqummiunnera:

Ukioq 2025-imut Najukkami Ataatsimiititaliami aningaasaliissutit katillugit kr. 588.000,00, Kommunalbestyrelse ukioq 2023-imi aaliangernikuusaa malillugu taakkunani pinaveersaartitsinermut 10 % illikartinneqassaaq kr. 58.800,00. Aningaasallu pinaveersaartitsinermut atungassat Peqqinneq Sunngiffimmit akisussaaffigineqarlutik aqunneqassaaq. Pinaveersaartitsinermut 10 % ukioq 2024-imut paatsoorneqarsimammatt, erserqqissaatigineqarmalli ukioq 2025-imi taamatut ingerlanneqassasoq.

Najukkami Ataatsimiititaliap Kulturikkut inunnillu paasititsiniaanernut tunngatillugu ukiut tamaasa pisartussatut uku aningaasalissavaat:

- Seqinertaartitsineq
- Ulloq 26. December nunaqqatigiit haalimi orpiliaqatigiinnissaat
- Juullerpalaartitsineq, qiortaaqatigiinnertaqarluni pikialaartitsineq
- INIPPAAT festival – augustimi pisussaq
- Inuiattut ullorsiorneq sapaatip akunneqartarnera

Najukkami Ataatsimiititaliap Teknikkikkut Ingerlatsinermut pilersuinernullu tunngatillugu suliat ingerlasut akiligassallu imaapput:

- Pisuinnaat aqquaat tummeqqernejarnerinut piffiit marlunni sanasumut isumaqatigiissusiorluni akilersuineq katillugit kr. 497.100,00-inik nalilik, affaa kr. 248.550,00 ukioq 2024-imi akilerneqarallarnikoq, affaalu kr. 248.550,00 ukioq 2025-imi akiligassarineqarnissaa naatsorsuutaavoq, sanaartugaq naammassereernikummat. Isumaqatigiissummili ilaatinneqarnikuunngitsoq tummeqqat ilaat “quaannaviikkusernissaa” pillugu akimik aallertoqarpoq, suli nalinga tagginneqanngilaq.
- Ukioq 2024-imi Najukkami Ataatsimiititaliamit akuersissutigineqartoq Henrik Olsenip aqquataaniik Oqaluffiup aqquataata tungaanut tummeqqiornissaq, nunaminertaq taaneqartoq nunaminertalerisunut qinnuteqaatigineqarnikuuvoq. Akuersissuteqartoqarpat akimik aallertoqassaaq.
- Ukioq 2024-imi Najukkami Ataatsimiititaliamit akuersissutigineqartoq arsaattarfimmi isiginnaarianut qisunnik issiavilersornissamut sanaartortitsinissaq, akimik aallertoqarpoq.

Najukkami Ataatsimiititaliap Isumaginninnermi suliassanut tunngatillugu, ukioq 2024-imi Tarnip nakorsaanik tikisitsinissaa piviusunngunngitsoq, Najukkami Ataatsimiititaliamit ukioq 2025-imut suliassatut ingerlaqqissanersoq aaliangerneqassaaq.

Ukiumi 2025-imi pinaveersaartitsinermut 10 % peerlugu, taamatullu tummeqqiornermut sanaartortumut isumaqatigiissut malillugu aningaasartuut peeraanni, Najukkami Ataatsimiititaliap aningaasat aqutassaasa sinnerissavai kr. 307.350,00.

Iluarsiinissamut siunnersuut – sammisanut tunngatillugu nalilersuineq

Kommunalbestyrelsep aaliangiussaa malillugu pinaveersaartitsinermut 10 % Peqqinneq Sunngiffimmit aqunneqassaaq taamaalilluni namminneq pinaveersaartitsinermi ilusilikkaminnik aningaasaliissutit aquttassavaat.

Najukkami Ataatsimiititaliap Kulturikkut inunnillu paasititsiniaanernut tunngasut taamatullu Teknikkikkut Ingerlatsinermut pilersuinernullu akuersissutigisimasaat aningaasanik ilaatigut isumaqatigiissutinut pituttuipput aammalu aningaasalertartussanut aningaasanik immikkoortitsisoqartariaqarpoq. Tarnip nakorsaanik tikisitsinissamut tunngatillugu 2025-imut sulii aaliangiusimaneqarnerisooq qulakkeerneqassaaq.

Aningaasaqarnermi kingunerisinnaasat:

Ukiumi 2025-imi pinaveersaartitsinermut 10 % peerlugu, taamatullu tummeqqiornermut sanaartortumut isumaqatigiissut malillugu aningaasartuut peeraanni, Najukkami Ataatsimiititaliap aningaasat aqutassaasa sinnerissavai kr. 307.350,00.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginninneq:

Pinaveersaartitsinermut 10 % aqunneqarnissaat Peqqinneq Sunngiffimmit kr. 58.800,00 akisussaaffigineqassapput.

Kulturikkut inunnillu paasititsiniaanernut taamatullu Teknikkikkut Ingerlatsivimmi sulianut tunngasut suliaasat Najukkami Ataatsimiititaliami allatsimit atorfilinnut ataqatigiissarneqassapput.

Inassuteqaat:

Aningaasaliissutit agguataarneqarlutik inississornissaat aammalu akuerineqarnissaat inassutigineqarpoq.

Ilangussat:

Bilag 2 – Ukioq 2025-imut aningaasat agguataarneri

Bilag 3 – Pinaveersaartitsinermut 10 %

Bilag 4 – KOMBE Pinaveersaartitsinermut 10 %

Aaliangerneq:**Akuerineqarput.**

Pinaveersaartitsinermut aningaasaliissut 10 % Peqqinneq Sunngiffimmiik aqunneqarnissaat tusaatissatut tigullugu akuerivaat.

Teknikkikkut ingerlatsinermut aningaasaliissutiniittoq, sanaartortoq isumaqatigiissut malillugu akilersuisussaataaneq, piffiit marlunni tummeqqiortitsineq katillugit kr. 497.100,00-inik naleqartoq, ukioq 2024-imi affaa kr. 248.550,00 aningaartuutigineqarpoq, pilersaarutaasorlu malillugu kr. 248.550,00 ukioq 2025-imi akiligassiarineqartussaanicuvoq. Najukkami Ataatsimiititaliami ukioq 2025-imi aningaasartuutajumaartussat sanaartukkanut arlallit atorineqartussaammata, 2024-imi Najukkami Ataatsimiititaliap aningaasat sinneri ca. 163.000,00-inik nalillit tummeqqiortitsinermut akiliutigerusuppaat, sinneruttorlu ukioq 2025-imut akilerusullugu. Tamanna piaartumik ilaasortanit allakkatigut siunnersuutigineqassasq innersuussutigineqarpoq. Ilaasortallu e-mailikkut aaliangingassanngorlugu innersuussutigineqarluni.

Aningaasat agguanneqartussani Teknikkikkut ingerlatsivimmit akimik aallertoqarnerani uku aningaasaqarnermut sulit tagginneqanngillat: Pisuinnaat aqputaat Telep ataaniittup “quaannaviikkusersornissaa”, Henrik Olsenip aqputaaniik Oqaluffiup aqputaata tungaanut tummeqqiornissaq aamma Arsaattarfimmi qisunnik isiginnaartarfiliornissaq.

Kulturikkut inunnillu paasititsiniaanernut tunngasunut, aningaasat ukioq 2025-imut agguarpaat:

Seqinertaartitsineq, kr. 5.000,00

Ulloq 26. December nunaqqatigiit haalimi orpiliaqatigiinnissat kr. 15.000,00

Juullerpalaartitsineq, qiortaaqatigiinnertaqarluni pikialaartitsineq kr. 5.000,00

INIPPAAT festival – augustimi pisussaq kr. 10.000,00

Inuiattut ullorsiorneq sapaatip akunneqartarnera kr. 100.000,00 (Suliniutit annertuut assersuutigalugu nipilersortartunik tikisitsineq pikialarnermik immerneqartussaq).

Isumaginninnermi suliaassanut: “*Tarnip nakorsaanik tikisitsineq (Poul Bisgaard)*”, ukioq 2022-imili siunnersuutigineqarluni akuerineqarmalli suliniut iluatsinneq ajormat aningaasaliissutiniik peerneqarpoq. Uani piffimmi ilisimasallit atorfillillu qaammarsaasinnaanerat atorluarneqarnerusinnaammata.

Sag nr.	Sammissaq	Bilag nr.	003
UPVNA 002	Kulturnat 18. Januar 2025	Journal nr.	01.03.49

Uteqqiineq:

Arfininngorneq ulloq 18. Januar 2025 kulturnat ingerlanneqalerpat Najukkami Ataatsimiititaliaq Kommuneq ataatsimiittarfiani Innuttaasunut Sullissivikkut Kulturnatsertitsineranni ammatitsinissaat, Najukkami Ataatsimiititaliap qanoq innuttaasunit atorneqarsinnaaneranut aammalu suut akuerineqarneq ajornerannik qaammarsaaneq ingerlanneqarsinnaanera taamatullu ukiut kingullit piviusunngortissimasat assitalersorlugit saqqummiisoqarnissaa.

Suliap saqqummiunnera:

Arfininngorneq ulloq 18. Januar 2025 Nunatta Atuangaateqarfia nalunaaruteqarsimavoq kulturnatsertoqassasoq. Ulloq 10. December 2024 Najukkami Ataatsimiititaliaq ataatsimiinnerani allatsimit aperineqarnikuuvoq peqataarusuttoqarnersoq. Najukkami Ataatsimiititaliami siulittaasumit ammaffigineqarpoq siunnersuutaasarsimasut piviusunngornikut assitalersuisoqarluni saqqummiussisoqaatigaluni Najukkami Ataatsimiititaliaq innuttaasunit qanoq atorneqarsinnaanersoq Kommuneq ataatsimiittarfiani Innuttaasunut Sullissiviup ammanerani paasititsiniaasoqarsinnaasoq.

Iluarsiiinissamut siunnersuut – sammisanut tunngatillugu nalilersuineq

Najukkami Ataatsimiititaliaq qanoq atorneqarsinnaanersoq innuttaasunut qaammarsaataassooq. Pisinnaatitaaffiit suppat aamma suut akuerineqarsinnaaneq ajortut saqqummiunneqaatigalutik Najukkami Ataatsimiititaliap ukiut kingullit piviusunngortissimasaaannik assinik aniatitsisoqarluni saqqummiisoqarsinnaavoq.

Aningaasaqarnermi kingunerisinnaasat:

Saqqummiussinerinnaasussaammat immikkut aningaasartuuteqartoqarnissaanik kinguneqassanngilaq. Innuttaasunut Sullissiviup Kulturnatsimi ammatitsineranni kaffellernerat iluatsillugu kaffe / tenut meeqqanullu saftimut aningaasartuuteqartariaqassanngimmat.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Najukkami Ataatsimiititaliami ilaasortat piumasut Kulturnatsimi saqqummeeqataasinnaapput innuttaasunillu naapitsillutik. Najukkami Ataatsimiititaliami allatsi isumaginnissaartaaq.

Inassuteqaat:

Najukkami Ataatsimiititaliami ilaasortanit peqataaffigineqarnissaa akuerineqarnissaa inassutigineqarpoq.

Ilanngussat:

Bilag 5 – Kulturnat

Aaliangerneq:

Akuerineqarpoq. Najukkami Ataatsimiititaliami ilaasortat peqataasinnaasut suliffiminniik kulturnatsimut peqataanissaminnut qaleriissitsinngitsut unnuk kulturisiornermi peqataassapput.

Sag nr.	Sammissaq	Bilag nr.	003
UPVNA 003	“Timersullammak”, “Neriunaatilik” “Peqatigiiffitsialak”	Journal nr.	01.03.49

Uteqqineq:

Najukkami Ataatsimiititaliami ilaasortaq ataaseq Peqqinneq Sunngiffimmi tapiisarnermut ileqqoreqqusaq malillugu “*Ukiup Timersullammaatut nersornaasiineq*”-mut komitimumt aallartitaassaaq. “*Timersullammak*”, “*Timersornikkut neriunaatilik*” aamma “*Peqatigiiffitsialak*”-mmut komitimi ilaasortaq ataaseq peqataalluni toqqaataassaaq ulloq 27. Januar 2025, nal. 13.00 – 14.00.

Suliap saqqummiunnera:

Tapiisarnermut ileqqoreqqusaq malillugu ukiumut “*Ukiup Timersullammaatut nerornaasiineq*”-mut “*Timersullammak*”, “*Timersornikkut neriunaatilik*” aamma “*Peqatigiiffitsialak*”-nnik Peqqinneq Sunngiffimmit siunnersuusiortitsisoqartarpoq, tamannalu tunngavigalugu innersuunneqartunut toqqaanissamut komiteliornermi Najukkami Ataatsimiititaliami ilaasortaq ataaseq toqqaasussatut kina peqataassanersoq aaliangerneqassaaq, toqarneqartorlu Peqqinneq Sunngiffiup aggersaassutaanut ulloq 27. Januar 2025, nal. 13.00 – 14.00 peqataassalluni.

Iluarsiinissamut siunnersuut – sammisanut tunngatillugu nalilersuineq

Najukkami Ataatsimiititaliami ilaasortat toqqaasarnermut aqqiisimapput ilioruullutik/parlakaallutik peqataasarlutik. Ukioq 2024-imi Najukkami Ataatsimiititaliami ilaasortaq Hartmann Heilmann peqataasimavoq, taamaammat ukioq 2025-imi toqqaanissami ilaasortaq alla komitemi toqqaataassaaq.

Aningaasaqarnermi kingunerisinnaasat:

Aningaasartuutaassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginninneq:

Peqqinneq Sunngiffik

Inassuteqaat:

Najukkami Ataatsimiititaliami ilaasortat arlaat ataaseq “*Ukiup timersullammaatut nersornaasiineq*”-mi ulloq 27. Januar 2025-imi pisussamut komitemut peqataatinneqarnissaa innersuunneqarluni akuerineqarnissaa inassutigineqarpoq.

Ilanngussat:

Bilag 6 – Timersullammak neriunaatilik peqatigiiffitsialak

Aaliangerneq:

Akuerineqarpoq. Najukkami Ataatsimiititaliami ilaasortat ukiut siuliini peqataasareersut eqqarsaatigalugit, ilaasortallu peqataasussat ilioruuttarmata Najukkami Ataatsimiititaliami siulittaasoq Naja Nuka Kaspersen innersuunneqarpoq. Peqataasinnaanngippalli ilaasortaq Lars Petersen peqataassaaq.

Ataatsimiinneq naavoq nal.: 11.00

Atsiorfissaq:

Naja Nuka Kaspersen, Siulittaasoq

Julie Karlsen, Siulittaasup tullia



Lars Petersen, ilaasortaq



Hartmann Heilmann, ilaasortaq

Knud Kleemann,
kommunalbestyrelsesmit toqqangaq


